



## Interno informativno glasilo Medžlisa IZ-e Tešanj

Ramazan 2018. – 1439. (str. 4. i 5.)



Vukovo–Mevlud–17. noć–Lejletu-l-Bedr, 01.06.2018.



Hafiska mukabela u Čarši-džamiji

Ramazanski bajram 2018. – 1439. (str. 5.)



Bajram-namaz u Čarši džamiji - 15.06.2018.



Raduša, Mevlud i dova za šehide – 16.06.2018.

Javni programi – Obilježen 3. maj „Dan šehida“ općine i 7. maj „Dan džamija“ 2018. (str. 6.)



Medakovo – Tradicionalni 23 .Mevlud za šehide



Novi Miljanovci – Tradicionalna 13. „Večer Kur'ana“

Odgaj i obrazovanje – završena mektepska i školska 2017/18. godina (str. 7.)



Sinanović Mustafa,  
Šareni mekteb  
i  
Bašić Emina  
Jablanica



Pobjednici takmičenja na nivou Medžlisa i Muftijstva  
i 3.na nivou Rijasetu



Učesnici 14. općinskog takmičenja iz vjeronauke  
održanog 07. 04. 2018. u OŠ „Dž. Bijedić“ Miljanovci

**BAJRAMSKA PORUKA GLAVNOG IMAMA**

Hvala Allahu, Stvoritelju svijetova, na milostima i blagodatima kojima nas daruje. Donosimo salavat i selam na posljednjeg Allahovog poslanika Muhammeda, a.s., na njegovu porodicu, na njegove ashabe, i na sve one koji su živjeli i umrli sa istinom u srcu i u djelu. Sjetimo se bosanskih sinova, šehida, koji su, na Allahovom putu, dali svoje živote.

Ramazanski bajram je jedan od najvećih mubarek dana u hidžretskoj godini. On nam donosi važne poruke koje treba pažljivo saslušati i dobro razumjeti. On nam dolazi poslije Ramazana, a Ramazan je mjesec koji zauzima posebno mjesto u životu čovjeka.

Sa klanjanjem Bajram namaza mi smo u praktičnom značenju ispratili ovogodišnje mubarek dane Ramazana. I ovogodišnji Ramazan biće svjedok u korist onih koji su činili dobra djela i natjecali se u tome i koji su na taj način obezbjedili sebi kod Allaha kapital.

Blago onom ko je na taj način razumio mjesec Ramazan i iz njega izašao sa oproštenim grijesima.

Nagrada za dobro je da budeš upućen na slijedeće dobro. Ako si nakon urađenog dobra krenuo da radiš i drugo dobro, to je onda dokaz da ti je prvo djelo primljeno. To je smisao Ramazana odnosno islamskog učenja. Jer valja nama i nakon Ramazana hoditi putem pokornosti, odanosti, vjernosti i privrženosti. Vjera traži stabilnog, ustrajnog i dobrog muslimana.

*„i Allah će pomoći onima koji su na Pravome putu! A dobra djela koja vječno ostaju – od Gospodara tvoga biće bolje nagrađena i ljepše uzvrćena.“* (Merjem, 76.)

Ovaj bajram dočekali smo sa radošću. Gledajući i osjećajući ramazansku duhovnost u ovom mubarek trenutku s pravom možemo se nadati da će naši ramazanski ibadeti biti kabul kod Boga i da će biti upisani u naša dobra djela.

Čuvajmo ono što smo stekli u ramazanu. Nemojmo trošiti ramazanske vrijednosti. Ostanimo u vezi sa Allahom dž.š., držeći se za to uže čvrsto. Ostanimo na pravom putu, učeći Kuran, pohodeći džamije, težeći dobro.

Božiji poslanik Muhammed a.s. podučio nas je da su: „Allahu najdraža djela ona koja su stalna, pa makar bila i mala.“

Nemamo pravo da se igramo sa ramazanskim vrijednostima. One u sebi sadrže, vjersku, moralnu, kulturnu i nacionalnu odrednicu svakog od nas. Moramo bit svjesni i savjesni toga i odgovorni prema tim vrijednostima. Tražiti od drugih naroda da poštuju naše vjerske, moralne, nacionalne kulturne vrijednosti, a svojim postupcima ih urušavati u ovim bajramskim danima, nemamo pravo na to.

Bajramski dani jesu dani duhovne radosti, lične i porodične sreće i veselja u kojima ne bi trebala doći do izražaja zloupotreba BAJRAMA kao nešto što nudi povod i priliku za opuštanje i nekontrolisani izljev najnižih emocija i strasti.

*„I ne klanjaj se, pored Allaha, drugom bogu! Nema boga osim Njega! Sve će, osim Njega, proći! On će suditi, i Njemu ćete se vratiti!“* (EL-Kasas,88)

Upućujem dovu Allahu dž.š. neka nam u ovim mubarek danima još jače učvrsti vjeru u srcu, neka bolesnim podari zdravlje, neka siromašnim podari opskrbu, neka osnaži zajedništvo u našim džematima. Od srca svima vama želim ugodan Bajram, moleći Allaha dž.š. za vaše dobro zdravlje i sretan život na oba svijeta. Bajram šerif mubarek olsun!

**Aktivnosti IO Medžlisa –****26.04.2018.g.- Održana 30. sjednica IO**

Medžlisa IZ-e Tešanj, kojom je predsjedavao predsjednik Zehrudin Kruško, a prisustvovalo 11 članova. Na sjednici je razmatran dnevni red od 7 tačaka, a usvojeni su: Izvod iz zapisnika sa 29. redovne sjednice IO i informacija o realizaciji zaključaka, Plan aktivnosti za obilježavanje 7. maja „Dana džamija“, Plan aktivnosti za ramazan 2018-1439.h.g., Informacija o provedenom mektepskom takmičenju, Informacija o provedenom takmičenju učenika VIII i IX razreda OŠ i I razreda srednjih škola iz Islamske vjeronauke, Odluka o potrebi zajedničke gradnje vakufske kuće džemata Čarši i Dibekhane džamije na vakufskoj parceli u Tešnju, Odluka o postavljanju sergije za liječenje sina Smajić Islama i dr.

**26.06.2018.g.- održana 31. sjednica IO – U**

maloj sali Medžlisa IZ-e Tešanj. Sjednicom je predsjedavao predsjednik Zehrudin Kruško, a prisustvovalo 13 članova.

Razmatran je dnevni red od 11 tačaka i usvojeni: Izvod iz zapisnika sa 30. redovne sjednice i informacija o realizaciji zaključaka, Izvještaj o obilježavanju 7. maja „Dana džamija“, Izvještaj o završetku mektepske 2017/18. godine, Izvještaj o realizaciji Plana aktivnosti za ramazan 2018.-1439.h.g., Zaključak o angažovanju imama u džematima: Šije D. Polje, Šije. G. Polje, Ljetinić, konkurs za Medakovo, prijedlozi komisije za vakuf i vakufsko zemljište i dr.

**POZIV NA SARADNJU**

Esselamu alejkum, poštovani čitatelji!

***Pred vama je novi broj Biltena Medžlisa IZ-e Tešanj. Ovo je još jedan naš pokušaj da damo skroman doprinos u prezentaciji našeg rada i aktivnosti i da ga približimo vama.***

***Javite nam se sa vašim primjedbama i sugestijama kako bismo zajednički što bolje prezentovali naš Medžlis***

***Naša web stranica: [www.miztesanj.ba](http://www.miztesanj.ba) ; email: [info@miztesanj.ba](mailto:info@miztesanj.ba)***

**Bilten Medžlisa IZ-e Tešanj**

Izdavač: Medžlis IZ-e Tešanj, za izdavača Zehrudin Kruško.

Glavni i odgovorni urednik: mr. Fuad ef. Omerbašić; tehnički urednik, tekst i foto Rašid Orlović.

Redakcija: Dževad ef. Hasanbašić; mr. Enver ef. Kurtić, hafiz mr. Almir ef. Hadžić

i Suljo ef. Djedović prof., saradnici imami MIZ-e Tešanj.

### Iz hutbe reisu-l-uleme dr. Husein ef. Kavazovića u Bošnjačkom islamskom centru Hamilton

Moje srce je radosno što sam danas s vama i što mogu vidjeti da u ovoj zemlji ulažete svoj trud i velike napore na putu Allahove vjere. Zajednica koju ste okupili i čije ste temelje učvrstili, postala je uzorita. Inspiraciju za svoje djelovanje ona nalazi u zajednici koju je pouzdani (el-emin) Muhammed, a.s., uspostavio u gradu svjetlosti, Medini-Muneveri.

Mnogi ste došli ovamo, otrgnuti od domovine, šibani vjetrovima kušnji, strahom i neizvjesnošću, vjernim pratiocima svakog muhadžira. Kada god se brodolom dogodi u životu čovjeka, Božijom voljom se pojavi želja da se nađe sigurna luka u kojoj bi se iznova započeo život, u kojoj bismo savili gnijezdo, gdje bismo podizali našu nejač i gledali je kako raste i stasava. Muhammed, a.s., naučio nas je da i u trenucima teške tragedije utočište potražimo kod onoga koji svog slugu nikada ne ostavlja, niti iznevjerava. Njegova je dova:

*Kod Tebe tražim utočište, Bože moj, protiv svoje slabosti i nemoći. Ako nisam izazvao Tvoj gnjev, ja se ne bojim. Tražim utočište u svetosti Tvoga Lica kojim razbijaš tmine i uspostavljáš dobro na ovom i drugom svijetu. Samo je kod Tebe snaga i pomoć.*

I zato, braćo, neka nam je uvijek pri pameti da život ima svoju Meku, Taif i Medinu. Svako od ovih staništa u našem životu u sebi nosi klicu kušnje, i u dobru i u zlu. Ovdje, u ovoj velikoj i prostranoj zemlji, nastanili ste se, ona vas je prihvatila i udomila. Sada je ona vaš dom u kojem boravite. Kao muslimanima, dužnost vam je da doprinosite njenom ugledu, da je poštujuete i volite.

Muhammed, a.s., kada je došao u Medinu, izvršio je bratimljenje između muhadžira i ensarija. Ovi ljudi ovdje su vaša braća i vaši komšije. Obavezni ste voditi računa o njihovom dostojanstvu, sigurnosti i časti, kao što vodite i o svojoj. Nastojte obogatiti sebe i ovu zemlju našom lijepom tradicijom i znanjem kojeg ste ponijeli iz domovine. No, isto tako, budite otvoreni i za nova znanja i iskustva, kojima ćete oplemeniti sebe, a i svoju braću i sestre u Bosni i Hercegovini. Poslanik, a.s., nas je učio da je sticanje novih znanja i iskustava farz, obaveza svakom muslimanu i muslimanki. I još nam je govorio: *Tražite znanje pa makar i u dalekoj Kini.*

Jedna od obaveza iz časnog Kur'ana jeste i putovanje po zemlji. U kretanju, u razmjeni iskustava i znanja, rast je kompetencija pojedinca, ali i zajednice i društva u cjelini. A jedna lijepa arapska poslovice glasi: ***U kretanju je bereket.***

Pozivam vas da posebnu pažnju posvetite svojoj djeci, mladim naraštajima koji će nas odmijeniti, kao što smo i mi odmijenili naše očeve i naše djedove. Uzvišeni Allah je ljude podijelio na narode i plemena da bi se međusobno upoznavali, miješali i razmjenjivali iskustva. Svaki narod ima svoje simbole, svoj bajrak, svoj grb, svoju nošnju, svoje praznike, svoje velikane i značajne datume, svoju nacionalnu kuhinju. Naš bajrak je s ljljanima Kotromanića, ali i zelena zastava s mjesecom i zvijezdom koju su nosili i Gradašćević i muftija Šemsekadić, kada su se borili za Bosnu i Hercegovinu. Učite ih da budu ponosni na historiju Bosne i Hercegovine i njenih gradova.

Neka obilježavaju i bajrame, i dan državnosti, i dan nezavisnosti; neka budu ponosni i na naše kraljeve i velikane: kralja Tvrtka i kralja Stjepana, Gazi Husrev-bega i Gradašćevića, Bašagića i Selimovića, Spahu i Izetbegovića. Neka čuvaju bosansku sofru, burek i čevap, dolme i bamju, zerde i baklavu i bosansku kahvu; naše bosansko kolo i bosansko odijelo. Sve je to dio našeg identiteta i u svemu tome ima miruha Bosne, naših sokaka i mahala, od Trebinja do Velike Kladuše. Mi smo narod, i učinimo sve da i naš bajrak bude podignut među bajracima naroda po kome će nas prepoznati, po čestitosti cijeliti i po znanju vrednovati. Naučite ih da je najveća vrijednost imati vjeru u Boga i povjerenje u Njegovu riječ, marljivo raditi, u dobru ustrajavati i voljeti i drugome ono što volimo sebi.

Imamo Islamsku zajednicu u Bosni i Hercegovini, koja je organizacijski prisutna i na ovom vašem području. Naši plemeniti preci su nam ostavili duhovni okvir u amanet, u nadi da će nas on okupljati i da će naši imami i muftije biti naši pastiri. Preko menšure, koja je povjerena reisul-ulemi od osmanskih halifa, a oni su je preuzimali od svojih prethodnika, njen lanac seže sve do Vjerovjesnika, a.s. Naša je obaveza izgrađivati Zajednicu, jačati njene kapacitete i njenu organizaciju. Vi ovdje imate svoje džemate, svoje medžlise i svoj muftluk, muftiju, imame, aktiviste u džematima. Oni brinu o potrebama našeg naroda. Pomozite im u tome. Ne ostavljajte ih same.

Pomozite da se sjedište naše zajednice podigne u Vašingtonu. Za Zajednicu je vrlo važno da muftija bude u tome gradu. Vi znate i zašto. Sjedinjene Američke Države su garant mira u našoj zemlji. To su naši prijatelji i to je zemlja koja je zaštitila naš suverenitet. Bosna ima i prijatelje i dušmane, a mi moramo biti stalno blizu prijatelja i govoriti im o sebi i podsjećati ih na genocid koji smo preživjeli. Zbog toga je izgradnja našeg sjedišta u Vašingtonu naš zajednički cilj.

Svi moramo pokazati mnogo više odgovornosti i brige za domovinu Bosnu i Hercegovinu. Ona je ranjena i usamljena. Njeni prijatelji su daleko, a dušmani blizu. Raselili su nas u nadi da ćemo zaboraviti ko smo i odakle smo. Računaj na to. No, ubijeden sam da joj ne mogu nauditi ako im mi ne dopustimo. Borimo se za našu domovinu, pomozimo da ona uvijek ima snažan patriotski blok, tako što ćete i vi dati svoj glas za Bosnu onakvu kakva je ona uvijek bila, zemlja naših naroda i njenih tradicija.

Pomozite joj i preko akcije zekata, sadekatul-fitra i kurbana. Mnogu ljudi u manjem entitetu ovisi o uzgoju stoke za kurbane i od tih prihoda podižu svoju djecu, hrane ih i školuju. Islamska zajednica pomaže na desetine narodnih kuhinja u Bosni i Hercegovini i Sandžaku, u kojima siromašni i stari ljudi imaju hranu i druge vidove pomoći. Svaki Bošnjak u Americi može uplatiti jednog kurbana jednom u godini, a to znači opstanak naših ljudi u Podrinju, Krajini i u Hercegovini.

Vjerujem da toliko jednom u godini možemo žrtvovati za zemlju u kojoj su naša staništa i mezarluci naših roditelja i rodbine. Nije ovo samo pitanje sentimentalnosti, već poziv da se kao odgovorni ljudi i sinovi zemlje pobrinemo za njen opstanak.

Sudbina svih nas ljudi je jedna i nedjeljiva. Svi smo stvoreni od Božijega duha, kojeg je On u nas udahnuo i zemnoga praha u koji ćemo se vratiti. Bog nas je stvorio na Svoju priliku, kako nam je kazao Allahov poslanik Muhammed, a.s. Najveći grijeh kojeg može insan počinuti je da oskrnavi dostojanstvo Božijeg stvorenja. Poslanik nam je ostavio oporuku u kojoj je kazao: *Nemojte jedan drugom zavidjeti! Nemojte iz mržnje jedan drugom leđa okretati! Nemojte se u imetku nečasno jedan s drugim nadmetati; budite, o Božije slugo, prava braća! Vjernik je vjerniku brat! Neka mu ne čini nasilje, neka ga ne napušta, neka ga ne vara i neka ga ne ponižava. Bogobožnost je ovdje* (u srcu).

Ponovio je to tri puta, a onda rekao: *Dosta je čovjeku zla da ponizi svog brata. Muslimanu je zabranjeno oskrnaviti život svog brata, njegov imetak i čast.* Svaki musliman bi trebalo da donese zakletvu da će poštovati odredbe ovog Poslanikovog vasijjeta. Razlike koje uočavamo ne smiju nas zbuniti; naprotiv, suština ljudskog roda je jedna. Cijelo čovječanstvo je jedna porodica muškaraca i žena, odraslih i djece koji dijele istu sudbinu. Vjerovjesnik, a.s., nas je stalno podsjećao na to: *Svi ste vi od Adema, a Adem je od zemlje.*

Duh naše zajednice počiva na moralu i na principu borbe protiv zla. Kur'an o tome govori: **Vi ste najbolji narod, onaj koji naređuje dobro, a obuzdava zlo.** Islam nas uči da je podjednako važna pojedinačna vrijednost svake ličnosti i zajednička sudbina grupe, zajednice ljudi. Sud o svakom pojedincu (muškarcu i ženi) pripada Bogu, a ne ljudima, i bit će obznanjen na dan suda. Kur'an to nedvosmisleno potvrđuje: **Meni ostavi (samog) onoga koga sam Ja stvorio** (Kur'an, 74:11). Ali, naše ponašanje u onome u čemu ovisi sudbina zajednice ima druga, ovozemaljska mjerila. Dragi Bog jasno postavlja granicu odgovornosti u zajednici i ne odgađa nagradu ili kaznu za dan velikog suda, već uspostavlja zemaljski sud: **Reci: - Putujte po svijetu, zatim pogledajte kako su završili oni koji su naše poslanike lažnim smatrali** (Kur'an, 6:11). I, na kraju, braćo i sestre, naš put je uvijek bio jasno omeđen i ucertan. Vjerujemo u Allaha, držimo se Njegove riječi i izvršavamo ono što nam je On stavio u obavezu. Budimo otvorenih srca prema drugima, činimo im dobro, a čuvajmo i njih i sebe od zla. Trudimo se da svojim radom steknemo dobro ovog i budućeg svijeta. Budimo svjesni da nema nagrade bez truda i dobrih djela. Upućujmo dovu Allahu, jer primljena dova može promijeniti našu sudbinu. Praštajmo jedni drugima, jer to učvršćuje veze među ljudima i narodima, i oslobađa nas teških tereta prošlosti. Gradimo mir na Zemlji, podižimo zajedno naše porodice u slozi i prijateljstvu. Volite ovu zemlju i njene stanovnike, radite složno i zajedno, kao prava braća i sestre. Naša vjera je naše zajedničko uže, a naša Bosna i Hercegovina dunjalučki emanet i zavjet našim očevima da ćemo je u srcu nositi i čuvati za našu čeljad, sinove i unuke. Allahu naš, podrži nas i ojačaj u tome. Amin!

**Post i iftar**

„Svaki čovjekov posao se višestruko nagrađuje; dobro djelo se nagrađuje desetorostruko, do sedam stotina puta, a Allah Uzvišeni je rekao: - Osim posta, on je Moj i Ja za njega nagrađujem, on ostavlja svoje strasti i hranu radi Mene.“ (Hadis-Muslim).

Karakteristika ovogodišnjeg ramazana je povećanje svih mjerljivih pokazatelja (zekat, sadekatu-l-fitr, broj učača mukabela, broj teravih punktova, ...). Medžlis je samostalno ili u saradnji sa drugim subjektima organizirao iftare: -za imame i članove IO - 17. 05. 2018. -za profesore odgojno-obrazovnih ustanova IZ-e u BIH - 26. 05. 2017. Brojni iftari su organizirani u džematima (Šije, Piljužići, Novi Miljanovci, Jevadžije, O.Planje, Mrkotić-Putešić, Jelah, Dobropolje-Mekiš, Jevadžije...)



Iftar za zaposlenike i članove IO



Iftar za profesore



Iftar Aktiva vjeroučitelja-22.05.2018.



Iftar za žene -06.06.2018.



Iftar Udruženja privrednika-08.06.2018.



Iftar u novom mesdžidu Koprivci

**Mukabela**

Učena u svim džamijama na ukupno 36 mjesta sa 312 učača.



Miljanovci – 24 učača mukabele (najviše)

**Hafisku mukabelu** u Čarši džamiji poslije ikindije-namaza učili su džematski imam Enver ef. Kurtić i hafizi: Nermin Ibrahimović, Ahmed Bukvić i Muhamed Mešić-učenik.

**Sehurska mukabela** u Čarši džamiji i Novi Miljanovci.

**Mukabela za žene** u Hamzibegova džamija, Piljužići,



Miljanovci i



Novi Miljanovci

**Teravih-namaz**

Klanjan na 65 mjesta (jedan više nego prošle godine), 20 rekata po takvimu, uz angažovanje: 29 dekretiranih imama, 4 honorarna imama; 4 penzionisana imama, 12 učenika medresa, 2 studenta, 4 svršenika medresa, 9 teravih imama, 1 vjeroučitelja.

Teravih namaz klanjan u 37 džamija, 27 mesdžida i 1 porodičnoj kući.

I ove godine na području Medžlisa IZ-e Tešanj boravio je gost iz Turske hfz. Zeki Ozkan koji je obilazio džemate na teravih-namazu i mukabeli po rasporedu Medžlisa i učestvovao u javnim programima Medžlisa.



Teravih namaz – imam hafiz iz Turske

**Itikaf** – Kao i ranijih, tako su i ove godine imami kao mutekifi boravili u itikafu u četiri džamije i to:



mr. Enver ef. Kurtić u Čarši-džamiji



mr. hafiz Almir ef. Hadžić u Jelahu



Muris ef. Bračkan – Mračaj-Potočani i



Bersad ef. Kozlić prof.–Novi Miljanovci

**Rad sa ženama** muallima Fatima Čeman u saradnji sa glavnim imamom organizirala rad sa ženama u ramazanu i to, pored navedenog iftara:

- sa 14 učenica medresa posjećeno 33 punkta i održano isto toliko prigodnih programa za žene,

- Žene iz različitih oblasti održale predavanja ženama u džematima i to: hafiza Hidajeta Mahalbašić - Šije i Dolac-Kotlanice, Asmira Garić prof. – Lepenica i Raduša i Enesa Bedaković – prof. –Kalošević i Novo Selo.

**Rad sa omladinom – mreža mladih**

**Iftari** – U Tešnju (02.06.) i Tuzli (26.05.), sa omladinom iz Tuzle, u Maglaju (11.06.) za područje Muftijstva i u džematima: Dobropolje-Mekiš, Jevadžije, Novi Miljanovci, Piljužići...

**Humanitarna akcija** sa omladinom iz Sarajeva i podjela pomoći ugroženim od 2. 700,00 KM.

**Omadinsko sijelo-druženje** u Jelahu drugi dan Bajrama.

**RAMAZAN 2018. – 1439.h.g. , nastavak****Prigodni programi:**

**Jelah - „U susret Ramazanu“** tradicionalna večer ilahija održana 10.05.2018. u haremu džamije uz učešće hora medrese „Osman ef. Redžović“ i obraćanje džematskog imama, glavnog imama i direktora medrese.



**17. noć - Lejeltu-l-Bedr** – obilježena na prigodan način u svim džematima, centralna manifestacija održana u džematu Vukovo – Mevlud - u džamiji poslije teravih-namaza. Mevlud su proučili imami Medžlisa IZ-e Tešanj i hafiz iz Turske, a prigodno se obratili džematski imam i glavni imam.



**27. noć - Lejeltu-l-Kadr** - obilježena na prigodan način u svim džematima, centralna manifestacija održana u Čarši-džamiji i na trgu poslije teravih-namaza. Kur'ana i ilahije učio hafiz iz Turske, a Kadarsku dovu proučio glavni imam.

**Posjete profesora džematima nakon iftara:**

**Rijaset - Uprava za odgoj i obrazovanje** – dr. Nezir ef. Halilović – Vukovo;

**IPF Zenica** – hafiz dr. Halil ef. Mehtić – Karadaglije-Koprivci-Oručje; doc. dr. Mensur Valjevac – Dibekhana džamija; van. prof. dr. Izet Pehlić – Lepenica i prof. dr. Safvet Halilović – Kraševo.

**IPF Bihać** – dr. Fuad Sedić – Jelah.

**Muftijstvo zeničko** – Edin ef. Kavazović prof., pomoćnik muftije za vjerske poslove – Čarši-džamija.

**Behrambegova medresa Tuzla** – Halil Mehanović prof. – Dobropolje-Mekiš; Rijad Šestan prof. – Ljetinić i hafiz Nedžad Vehabović – Novi Miljanovci.

**GHM Sarajevo** – Dževad Pleh prof. – Mrkotić-Putešić; Hadžib Šišić prof. – Čaglići; Dževad Hrvaić prof.- Piljužići i Đulan Merzuk prof. - Jablanica.

**Elči Ibrahim-pašina Medresa Travnik** - mr. Kemal Avdagić – Miljanovci, mr. Asim Hodžić – Raduša i mr. Ahmed Omerdić - Šije.

**Medresa „Osman ef. Redžović“ Veliko Čajno kod Visokog** – Dženan Handžić – direktor – Bukva; hfz. Benis Topalović – Trepče; Dženan Rezaković prof. – Bobare-Drinčići i Emir Salić – Dolac-Kotlanice.

**„Karadoz-begova“ medresa Mostar** – Suad Mujakić prof. – Džemilij Planje.

**Ramazanski bajram 2018.- 1439. h. g.**

**Bajram Namaz** – Centralna bajramska svečanost za Medžlis IZ-e Tešanj održana je u Čarši-džamiji u Tešnju 15.06.2018. (prvi dan Bajrama) gdje je bajram-namaz klanjao i hutbu održao glavni imam mr. Fuad ef. Omerbašić.




**Tradicionalni bajramski prijem** – upriličen 1. dan Bajrama-nedjelja, 15.06. 2018. u 10,30 sati u restoranu „UKUS“ Tešanj, kome je prisustvovalo 300 zvanica kojima su Bajram čestitali glavni imam i Općinski načelnik mr. Suad Huskić.

*Bajramska čestitka glavnog imama*

**Dan šehida - 2. dan Bajrama – 16.06.2018.** obilježen u svim džematima prema Protokolu Rijasetu (proučena Hatma dova, Jasin i Fatiha pred duše šehida, posjećeni šehitluci).

- U Medžlisu IZ-e Tešanj glavni imam priredio

*Prijem za delegaciju OPŠiPB*

**Obilazak šehidskih mezarja** – u vakufskom mezarju „Donlagačka“ gdje su Jasin pred duše šehida proučili imami Medžlisa IZ-e Tešanj i Doboj, Fatihu svi prisutni, a dovu glavni imam koji se i prigodno obratio prisutnima,



nakon čega je stavljena u funkciju spomen česma - hair porodice Fikreta Hafizovića.



**Raduša – Tradicionalni mevlud za šehide** - proučen u džamiji posije podne-namaza kao centralna manifestacija Medžlisa. Mevlud su sproučili imami Medžlisa IZ-e Tešanj, na šehide podsjetio džematski imam Ramo ef. Svrzo prof. , a prisutnima se prigodno obratili glavni imam i hafiz Ammar ef. Bašić prof.

## Obilježen 7. maj „Dan džamija“... Iz naših džemata...

**Šije – Proučena dova za početak radova na izgradnju kuće porodici Bajrić rah. Adema 05.04.2018.**-dovu proučio glavni imam.  
**Trepče – Održan tradicionalni 10. mevlud i dova za šehide 15.04.2018.** poslije podne-namaza u povodu Dana MZ. Mevlud su proučili imami Medžlisa IZ-e Tešanj, a prigodno obraćane održao glavni imam.

**Bukva – Proučena dova za početak radova na izgradnji fontane-šadrvana u haremu džamije.** – 19.04.2018. dovu proučio glavni imam u prisustvu predsjednika IO Zehrudina Kruške, predsjednika GO Ishaka Jabandžića, džematskog imama i dr.

**Jablanica - Proučen Jasin i hatma dova za šehide 20.04.2015.** u povodu Dana Mjesne zajednice Jablanica.

**Dobropolje-Mekiš – Održan tradicionalni mevlud i zikir – 22. 04. 2018.** poslije podne-namaza. Mevlud su proučili imami Medžlisa IZ-e Tešanj, a zikir predvodili članovi Nakšibendijske tekije iz Tešnja, vaz hafiz Edin ef. Dedić prof. i glavni imam.

**Novi Miljanovci – Program za žene - U okviru projekta „Ženski aktivizam“, 30.04.2018.** održan je 4. tematski program za žene u okviru koga je predavanje održala muallima iz Maglaja Amira Talić, a ilahije učile članice hora " Firdews " takođe iz Maglaja.



Bukva – Dova



Dobropolje–Mekiš - Mevlud



Trepče – Tradicionalni 10. Mevlud

**Mrkotić – Putešić–30.04.2018.** upriličeno svečano otvorenje novoizgrađenih prostorija za mektepsku učionicu, uručenje vakufnima vakifima i svjedodžbi o završenoj hatmi odraslim polaznicima halke Kur'ana, proučen Mevlud i Hatma dova za šehide, uz prigodna obraćanja glavnog imama mr. Fuad ef. Omerbašića, Salih ef. Haušića i Općinskog načelnika mr. Suada Huskića.

**Medakovo - Mevlud za šehide – 03.05.2018.** u povodu 3. maja općinskog Dana šehida, Medžlis Islamske zajednice Tešanj, džematski odbor džemata Medakovo i Organizacija porodica šehida i poginulih boraca općina Tešanj i Teslić organizirali su 23. tradicionalni mevlud i hatma dovu za šehide. Mevlud su proučili imami Medžlisa IZ-e Tešanj, na šehide podsjetio džematski imam hafiz Almir ef. Salkanović prof., a prigodno se obratili glavni imam Medžlisa IZ-e Tešanj mr. Fuad ef. Omerbašić i predsjednica OPŠiPB Nura Mehić. Na kraju je dovu proučio Sifet ef. Hodžić prof., glavni imam Medžlisa IZ-e Teslić.

**Medžlis – Tribina i promocija knjige „Ramazan – Svi elementi uspjeha“ 04.05.2018.** U okviru projekta „Ženski aktivizam“, održana u Medžlisu IZ-e Tešanj. Promotori: Fatima Ćeman koordinatorica i hafiza Hidajeta Mahalbašić, autorica.

**Dibekhana džamija – Večer Kur'ana – 05.05.2018.g.** održana poslije akšam-namaza. Kur'an su učili polaznici mektepske nastave - sekcije hifza, a prigodno se obratili džematski imam hafiz mr. Nermin ef. i glavni imam.

**Novi Miljanovci – Večer Kur'ana – 07.05.2018.** - Tradicionalnom 12. „Večeri Kur'ana“ poslije akšam-namaza završen je Program obilježavanja Dana džamija Rijaseta IZ-e u Bosni i Hrecegovini. Na ovoj svečanosti Kur'an su učili hafizi: mr. Nermin ef. Ibrahimović, mr. Adnan ef. Srebrenica (glavni imam Medžlisa IZ-e Busovača), Ibrahim Alparsalan i Gokhan Aksan iz Turske uz prigodno obraćanje džematskog imama Bersad ef. Kozlića prof., glavnog imama i Zijad ef. Ljevakovića prof. U toku programa utemeljiteljima i najzaslužnijim za ovu manifestaciju hadži Muharemu Kruški i glavnom imamu uručena su priznanja džemata.



Mrkotić-Putešić – otvorenje učionice



Medakovo – Mevlud i dova za šehide



Novi Miljanovci – 12. Večer Kur'ana

**Lepenica – Mevlud u mesdžidu Bedaci - 13.05.2018.** proučen tradicionalni mevlud i dova za šehide poslije podne namaza. Mevlud su proučili imami uz obraćanje džematskog imama Elvedin ef. Aličića, prof. hafiza Ammar ef. Bašića i glavnog imama.

**Čarši-džamija i Karadaaglje-Koprivci–Oruče – Stavljani u funkciju novoizgrađeni mesdžidi - Ravne 13.05.2018. i Koprivci 14. 05. 2018.** - Klanjan jacija-namaz, proučen Jasin i dova nakon čega se prisutnim džematlijama obratio glavni imam.

**Medžlis - Uručene nagrade pobjednicima na konkursu «7. maj Dan džamija» za najbolje likovne i literarne radove 15. 05. 2018.** godine i to likovni radovi: 1. mjesto – Halilović Lamija – učenica OŠ « Gazi Ferhad-beg » Jablanica, 2. mjesto - Huskić Ermina - učenica OŠ « Gazi Ferhad-beg » Jablanica, 3. mjesto - Ibrahimović Erna - učenica OŠ « Rešad Kadić » Tešanj, literarni radovi : 1. mjesto - Dedić Aida – učenica Srednje tehničke škole, 2. mjesto – Amir Džaferović – učenik Srednje tehničke škole i 3. mjesto – Irvana Rošić - učenica OŠ « Gazi Ferhad-beg » Jablanica.

**Ljetinić –održan tradicionalni Mevlud 23.06. 2018.** poslije akšam-namaza : Mevlud proučili imami Medžlis IZ-e Tešanj a prigodna se obratili džematski imama Jasmin ef. Roša, glavni imam i hafiz Ahmed ef. Bukvić prof.

Obilježena mubarek noć



Mesdžid Ravne



Mesdžid Koprivci



Medžlis – Uručenje nagrada



Ljetinić - Mevlud

**„Odgov i obrazovanje kroz mekteb i školu“**

Završnim ispitima i hatma dovama polaznika mektepske nastave okončana je mektepska 2017/18. mektepska godina

**Takmičenje polaznika mektepske nastave na nivou medžlisa** održano je 08.04.2018. Pobjednici: Kiraet – mlađi uzrast:

1. mjesto – **Omerbašić Sumeja, Karadaglije-Koprivci-Oručje,**
2. mjesto – Kadušić Tarik, Trepče,
3. mjesto – Mahalbašić Sulejman, Oraš Planje.

Kiraet – stariji uzrast:

1. mjesto – **Sinanović Mustafa, Šareni mekteb,**
2. mjesto – Salkanović Abdulah, Medakovo i
3. mjesto – Husanović Bahrudin, Miljanovci.

Opće znanje – mlađi uzrast:

1. mjesto - **Smajić Vedad, Novo Selo,**
2. mjesto - Halilović Lamija, Dobropolje-Mekiš
3. mjesto – Prnjavorac Vedad, Šareni mekteb.

Opće znanje – stariji uzrast:

1. mjesto – **Bašić Emina, Jablanica,**
2. mjesto – Omerbašić Salih, Jelah i
3. mjesto – Kašibović Emir, Raduša.

**Takmičenje na nivou muftiluka** – održano je u nedjelju, 22.04.2018. u Matuzićima. Na takmičenju su učestvovali pobjednici (prvoplasirani) iz svih kategorija.

**Ukupni pobjednik ovog takmičenja je Medžlis IZ-e Tešanj,** a naši takmičari su osvojili: Omerbašić Sumeja – 3. mjesto, Sinanović Mustafa – 1. mjesto, Smajić Vedad – 2. mjesto i Bašić Emina – 1. mjesto

**21. finalno takmičenje na nivou Rijseta** održano je 06. 05. 2018. u Sarajevu. Na ovom takmičenju nivoa muftiluk zenički predstavljala su dva polaznika iz Tešnja – Sinanović Mustafa i Bašić Emina što je prvi puta u dosadašnjem periodu i obadva predstavnika osvojila 3. mjesto.



*Pobjednici mektepskog takmičenja u Tešnju*

**Ekskurzija u Srebrenicu** – Medžlis IZ-e Tešanj i Jedinствена organizacija boraca Tešanj su u nedjelju, 22.04.2018. godine organizirali posjetu Srebrenici i Potočarima svih polaznika mektepske nastave koji su učestvovali na mektepskom takmičenju nivoa medžlisa (124) i njihovih muallima.



*Dova u Potočarima*

**Vjeronauka** – Dva časa sedmično, izvode je stručno osposobljeni nastavnici i profesori. U subotu 7. aprila 2018. g. održano je 14. takmičenje učenika osnovnih i srednjih škola iz vjeronauke – u OŠ „Džemal Bijedić“ Miljanovci. Pobjednici:

**VIII—Razred: 1. mjesto – Husanović Bahrudin – iz OŠ „Džemal Bijedić“ Miljanovci,** 2. mjesto – Piro Amina – OŠ „Rešad Kadić“ Tešanj i 3. mjesto – Hujdur Advija – OŠ „Džemal Bijedić“ Miljanovci.

**IX- Razred - 1. mjesto – Pilav Sadeta – OŠ „Džemal Bijedić“ Miljanovci,** 2. mjesto – Kadušić Lejla – OŠ „9. septembar“ Medakovo i 3. mjesto – Subašić Amina - OŠ „Rešad Kadić“ Tešanj

**I – Razred srednjih škola - 1. mjesto – Bekrić Tarik – Gimnazija „Musa Ćazim Ćatić“ Tešanj,** 2. mjesto – Mehinović Ilhan – Gimnazija „Musa Ćazim Ćatić“ Tešanj i 3. mjesto – Hadžikadunić Fatima - Srednja tehnička škola Tešanj.

**Kantonalno takmičenje** – održano je u subotu, 21.04.2018.g., a njegovi domaćini bili su Medžlis IZ-e Tešanj i OŠ „Huso Hodžić“ Tešanj. Prema riječima organizatora takmičenja, muftije zaničkog doc. dr. Ejub ef. Dautovića, ovo je bilo najuspješnije organizovano takmičenje do sada, pa je na tome čestitao i zahvalio domaćinima. Naši takmičari osvojili su ukupno 4. mjesto.

**Provedena akcija „Eco proljeće 2018.“** kroz 3 aktivnosti:

1. Tematska hutba glavnog imama pročitana u svim džamijama u petak 06.04. 2018.godine.
2. Eco čas za polaznike mektepske nastave u nedjelju 07.04.2018. g.
3. Eco akcija proljetnog uređenja i čišćenja 07.04.2018. g. u kojoj je preko 1500 polaznika mektepske nastave i drugih učesnika izvršilo čišćenje i uređenje harema džamija, trgova, mezarja, ulica, riječnih korita, šehidskih spomen obilježja, zelenih i drugih javnih površina..



**Održan 5. turnir polaznika mektepske nastave u stolnom tenisu** 21.04.2018. godine u omladinskom domu Novi Miljanovci u saradnji sa džematskim odborom i Omladinskim klubom Novi Miljanovci. Na turniru su učestvovala po dva takmičara iz mekteba (ukupno 59). Pobjednici:

1. mjesto **Jacić Danis iz džemata Novi Miljanovci,**
2. mjesto Salkanović Muhamed iz džemata Medakovo i
3. mjesto Jašić Abdulah iz džemata Dolac Kotanice.

Organizaciono-tehnički dio proveo je Omladinski krug, a diplome i nagrade pobjednicima obezbijedio Medžlis IZ-e Tešanj, koje im je uručio glavni imam mr. Fuad ef. Omerbašić.



*Pobjednici*

**Završni ispiti** polaznika mektepske nastave provedeni su u periodu od 21.04. do 06.05 2018. godine.

Ukupno upisano 3281 (44 više nego prošle 2016/17 godine).

Od 3281 upisanih polaznika završnim ispitima prisustvovalo je 2.561 (134 više nego prošle godine) (78,%).

U sufari učilo 967 (21 više nego prošle godine), a u Kur'anu 1.066 (14 manje nego prošle godine).

Nakon sumiranja svih rezultata i ocjene glavnog imama najbolje rezultate u mektepskoj 2017/18. postigli su:

1. Šareni mekteb – muallimi: hafiz mr. Nermin ef. Ibrahimović, mr. Enver ef. Kurtić, hafiz Ahmed ef. Bukvić prof., i Amar ef. Bedaković prof.
2. Jeleh –muallim hafiz mr. Almir ef. Hadžić.
3. Medakovo – muallim – hafiz Almir ef. Salkanović prof.

## Spisak hadžija 2018./1439.h.g. sa područja Medžlisa IZ-e Tešanj – do sada rekordan broj:

Red. br.	Prezime i ime	Prebivalište	Red. br.	Prezime i ime	Prebivalište
1.	Kalabić Ajka	Jablanica	32.	Solo Vehbija	Piljužići
2.	Kalabić Sala	Jablanica	33.	Garić Hajra	Piljužići
3.	Spahić Ahmo	Jablanica,	34.	Mahalbašić Alija (m)	Orašje Planje
4.	Spahić Hanča	bračni par	35.	Rošić Ibrahim	Roše,
5.	Torić Ibrahim	Jablanica	36.	Rošić Sabiha	bračni par
6.	Huskić Adem	Tešanj	37.	Halilović Behija	Koprivci
7.	Smailbegović Besim	Tešanj,	38.	Fejzić Delva	Vukovo
8.	Smailbegović Fatima	bračni par	39.	Smajić Kasim	Miljanovci
9.	Ajanović Razija, bedel za rah. supruga Mehmedaliju	Tešanj	40.	Karabegović Adem, bedal za rah. suprugu Salihu	Potočani
10.	Hodžić Enes	Tešanj,	41.	Bijedić Maida	Kotlanice
11.	Hodžić Mirheta	bračni par	42.	Žilić Mustafa	Džemilić Planje
12.	Kantić Tarik	Tešanj	43.	Turkeš Fatima	Džemilić Planje
13.	Hotić Enes	Tešanj	44.	Ostrvica Sulejman	Džemilić Planje,
14.	Kavazović Redžo	Krndija-Tešanj	45.	Ostrvica Fadila	bračni par
15.	Kavazović Nusreta	bračni par	46.	Hrvić Šahza	Logobare
16.	Dizdarević Besim	Tešanj	47.	Begović Almasa	Lepenica
17.	Sinanović Smajl	Tešanj,	48.	Ibrahimkadić Arif	Medakovo,
18.	Sinanović Aiša	bračni par	49.	Ibrahimkadić Fatima	bračni par
19.	Sinanović Ahmet	Dolac,	50.	Katardžić Hamdija	Raduša
20.	Sinanović Mustafa	braća	51.	Omerović Zemka	Raduša
21.	Jašić Šemso	Dolac,	52.	Agić Ema	Jelah
22.	Jašić Zlata	bračni par	53.	Halilović Enisa	Jelah
23.	Hadžan Kemal	Novi Miljanovci,	54.	Balić Edib	Šije
24.	Hadžan Zulejha	bračni par	55.	Omić Mehmed	Šije
25.	Rezaković Himzija, bedel za rah. Ahmetlić Fahrudina	Uvorići, Visoko	56.	Hujdur Fadil, bedel za rah. suprugu Hediju	Piljužići
26.	Jašić Bećir, bedel za rah. Ahmeta Galijaševića	Raduša	57.	Garić Osman, bedel za Adema Garića.	Piljužići
27.	Brkić Senija	Kotlanice	58.	Softić Muriz	Karadaglje,
28.	Dubravac Hamdija	Kraševo	59.	Softić Jasmina	bračni par
29.	Hatibović Ruvejda	Mekiš	60.	Bećirović Husein, vođa puta bedel za Ibrahima Teletovića	Karadaglje,
30.	Čehajić Šerif	Novo Selo,	61.	Bećirović Alma	bračni par
31.	Čehajić Šahza	bračni par	62.	Mulasmajlović Samira	Raduša

Zbog želje većeg broja hadžija ove godine ne objavljujemo fotografije hadžija.

**POSJETE MEDŽLISU**

Muftije zeničkog doc. dr. Ejub ef. Dautovića – sastanak sa tešanjskim privrednicima– 06.04.2018.



06/0

**POSJETE IZ MEDŽLISA**

„Behram-begovoj“ medresi i Medžlisu IZ-e Tuzla, 23.04.2018.



U medresi



U Medžlisu

Općoj bolnici Tešanj, otvorenje sobe za molitvu - 18.06.2018.



Prijem kod direktora



U sobi za molitvu